

ХАЙР.

ТАНГ ЮЛДУЗИ

ВАТАН, ДУСТЛИК, ЭЗГУЛИК ВА АДОЛАТ УЧУНИ

№ 1

(6473).
1992 йил,
8 ЯНВАРЬ
ЧОРШАНБА.
Баҳоси
5 тийин.

ЎЗБЕКИСТОН
БОЛАЛАРИ ВА
ЎСМИРЛАРИНИНГ
РЎЗНОМАСИ

ТОНГ ЮЛДУЗИ

РЎЗНОМА 1929 ЙИЛ, 1 АВГУСТДАН «ЛЕНИН УЧҚУНИ» НОМИ БИЛАН ЧИҚА БОШЛАГАН.

«ТОНГ ЮЛДУЗИ» РЎЗНОМАСИ ЖАМОАСИ ВА ФАОЛЛАРИГА

Болаликнинг ўзига хос қувончию шодликлари, ғам-ташвишларини ҳеч оғринмай елкасида кўтариб келган «Ленин учқуни»дан беҳад миннатдоримиз. Укажон ва сингилжонларимиз унинг тимсолида доимо ўз ишончли дўсти, маслаҳатгўйи, ҳимоячисини кўрганликлари билан фахрланамиз ҳам. Ёш авлодни инсонга, меҳнатга, ватанга, она табиатга меҳр-муҳаббат руҳида тарбиялашдек улугвор ишда «Ленин учқуни» рўзномасининг муносиб ҳиссаси бор.

Бугунги мураккаб давр, ижтимоий-сиёсий вазият рўзноманинг номини ўзгартиришни тақозо этмоқда. Шу боис кўплаб муштарийлар ва «Ленин учқуни» ижодий жамоасининг хоҳиш-иродаси билан рўзнома номини «Тонг юлдузи» деб ўзгартиришга қарор қилдик.

Олдимизда мустақил Ўзбекистонимиз равнақини қарор топтиришдек улугвор вазифа турибди. Бунинг учун юртимизга билимли, миллий қадриятларимизга садоқатли, ишбилармон қамоли инсонлар керак. Айнан «Тонг юлдузи» болаликларида уларнинг йўлини ёритди, уларни ана шу хайрли ишларга қорлайди. Бу эса рўзнома ижодий жамоаси зиммасига жуда катта масъулият юклайди, улар ҳормай-толмай меҳнат қиладилар. Биз ана шу эзгу мақсад йўлида уларга мустақкам солиқ, куч-қувват ва ижодий муваффақиятлар тилаймиз!

**ЎЗБЕКИСТОН ЕШЛАР ИТТИФОҚИ
МАРКАЗИЙ ҚУМИТАСИ.
ЎЗБЕКИСТОН БОЛАЛАР ВА ЎСМИРЛАР
УЮШМАСИНИНГ МАРКАЗИЙ КЕНГАШИ.**

МАКТАБГА
МИЛИЦИОНЕР
КЕЛДИ



— Балоғатга етмаган ёшлар орасида жиноятга қўл уриш кун сайин камайиб бормоқда, — дейди Тошкент туманидаги балоғатга етмаган ёшлар билан ишлаш инспекцияси милиция капитани Шухрат Абзалов, — ҳар ойда икки марта мактабдаги болалар билан учрашув ўтказилган. Жуда кўп болалар биз билан алоқада.

Суратда: тумандаги А. Икромов номи мактабда 9-синф ўқувчилари билан учрашув.

Р. АЛБЕКОВ сурати.

ҚИСКА САТРЛАРДА

● 4 январь кунини Ўзбекистон Президенти Ислам Каримов алоҳида стол ёнида президентлик қасамёдини қабул қилди. Стол устига икки Муқаддас китоб — Қуръон ва Ўзбекистон Конституцияси қўйилган эди.

● 2 январдан Россияда нарх-навога «эркинлик» берилди. Воронежда бир литр сўт 10 сўм, сметананинг нархи эса 74 сўм.

● Чечен Республикаси «Борз» (бўри) системасидаги ҳарбий автомат ишлаб чиқаришга киришди. Автоматнинг 0001-сонли дастлабки Президент Жоҳар Дудаевга берилди.

● Волгоградда 20 дан ортиқ болаларнинг СПИД билан оғришига сабаб бўлганлар устидан суд бошланди. Қон олувчи шифокорларнинг совуққонлиги туфайли ўтган йили 250 бола СПИД билан касалланди. Шулардан 23 таси ҳалок бўлди.

● Тбилисида Президент Гамсахурдия ва оппозициячилар ўртасида жанг давом этмоқда. 6 январгача маълумотга кўра, 84 киши ўлган, 384 киши жароҳат олган.

● Рўзнома босмага тайёрланаётганда олинган хабарга кўра, 3. Гамсахурдия қочиб уринганида Озарбайжоннинг Қазах шаҳрида қўлга олинган. Махсус кўриқчилар ҳамроҳлигида у Тбилисга келтирилмоқда.

СИЗУ БИЗ узоқ йиллар ўзимизни англолмай армонда яшадик. Улуғ боболаримиз, қадимий туронзаминимиз билан фахрланиш туйғулари бегонасираб қолганди кўпимиздан. Барчамизни елкасида кўтариб турган заминимизнинг асл номи Турону Туркистон экани ҳам қарийб эсимиздан чиқай деди. Чунки дахшатли кучлар етовида эдик, ўзлимизни англолувчи белгиларни онгу шууримиздан суғуриб олиб ташлаш учун бетиним курашар эди у кучлар. Аҳвол шу даражага бориб етган эдик, Форобийу Фарғоний, Ибн Синоу Улуғбекдек буюк боболаримиз жаҳон фанию маданиятига, инсоният тараққиётига бемисл ҳисса қўшган алломалар номларини ҳам минг ҳадик ичратилга олишга мажбур бўлдик.

МУБОРАК КУНЛАРИНИНГ АЗИЗ ФАРЗАНДИ



Абдусайд КУЧИМОВ,

Ўзбекистон халқ
депутати, Ўзбекистон
Езувчилар
Уюшмаси котиби.

Ақлу заковати билан аҳли дунёни ҳайратга солган Амур Темур номини эслаш эса гуноҳи азим саналишига оз қолди. Ваҳоланки, хорижий мамлакатларда бундай даҳолар ҳақида ўнлаб кинофильмлар яратилган, том-том китоблар битилган эди. Шунингдан уларнинг номига кўчалару маданият даргоҳлари қўйилган эди дунёнинг турли шаҳарларида. Бизда, ўз она ватанида, таҳқирлаб келинди бобожонларимиз. Шаҳарлар, қишлоқлар туғул, оддийгина тор кўчани уларнинг номи билан аташдан қўрқдик, аниқроғи йўл беришмади бундай қилишга. Ниҳоятда улуғ, ниҳоятда азиз бир зот бор эди ҳаммамиз учун. Ҳар қадамда — ҳушимизда ҳам, тушимизда ҳам сигинардик унга. Унинг оддий инсон эканига ишонмай қолган эдик ҳатто! Негаки, у оддий одамликдан афсонавий авлиёга, ҳатто худога (ўзи кечирсин) айланиб қолаётган эди. Володя Ульянов эди бу зот! Етмиш йилдан зиёд бетиним сиғиниб келдик ана шу зотга. «Яшасин, Ленин ғоялари!», «Ленин таълимотига шон-шарафлар!» каби шиорлару чақириқлар қонимиз туғул, суяқларимизгача сингиб кетди. Бундай шиорларнинг асл маъносини билсак-да, билмасак-да, томоғимиз йиртилай деганча бақириб-чақираведик, қуллук қилиб яшадик шундай ғояларга.

ди: «Ленин йўли», «Ленин байроғи», «Ёш ленинчи» ва ўзимизнинг «Ленин учқуни», собиқ, албатта. Бундан олтиш уч йил аввал чиққан эди унинг биринчи сони. Шундан буён у жумҳуриятда напш этиладиган ягона болалар рўзномаси сифатида турли авлод ёшларига азиз ва қадрдон бўлиб қолди. Рўзнома турли йилларда қатор-қатор ибратли юмушларнинг ташаббускори, ташкилотчиси, ижрочиси бўлдим, бундай беқиёс хизматлари учун минг карра раҳматлар айтмоқ керак унга! Ва, айни маҳалда унутмаслик ҳам керакки, рўзнома «Ленин учқуни» эмас, айтилик «Турон чечаклари» ёки «Туркистон келажиги» номи билан чоп этилганда ҳам худди шундай хайрли ишларга бош-қош бўлиши аён ҳақиқат эди. Лекин болалар рўзномасида дохий номи бўлмоғи шарт эди империя учун. Негаки, асоратда сақланажак ўлка фарзандлари қалбига мурғакликдаёқ муҳрламоқ зарур эди бу номи. Кунаро қўз минглаб хонадонларга кириб борадиган, миллион-миллион ўқувчилари бўлган рўзнома эса энг қулай восита эди бу ниятни амалга оширишда. Шундай бўлди ҳам! Ҳеч бир халқ ёки миллатни абадий қуллик ва мутликда сақлаб бўлмайди. Ҳам ма нарсанинг чеку чегараси бор оламда. Ўзбек халқи учун ўз-ўзини англаш, тушу-

ниш даври келажиги аён эди. Шундай кунлар келди. Шукроналар айтайлик унга! Эркимизни қўлга киритдик, жумҳуриятимиз ўз мустақиллигини эълон қилди. Туркия, Покистон, Швейцария, Канада, Австралия сингари бир қатор мамлакатлар тан олишмоқда давлатимизни. Жаҳондаги бошқа давлатлар ҳам албатта тан оладилар бизни. Бирлашган Миллатлар Ташкилоти биносида ўз байроғимиз ҳилпираб турадиган, унинг мажлисларида ўз вакилларимиз иштирок этадиган кунлар ҳам узоқ эмаслигини англаш қандай бахт!

Шундай қувончли кунларда номини «Тонг юлдузи» деб атаган ва биринчи сони чиққан рўзномамизни муборақ кунларнинг азиз фарзанди, деб атагим келади. Мил-

латимиз руҳига, халқимиз табиатига мос ном топилди, ниҳоят. «Тонг юлдузи» нгиз муборақ бўлсин, азиз ука-сингиллар! Рўзномангиз олтиш уч йил деганла ҳақиқий шарқона номга эга бўлди. Шундай бўлгани чин бўлсин!

Мен рўзномага муносиб ном топиш учун ижодий ходимларнинг Сиз муштарийлар билан биргаликда қанчалар изланганларидан бохабарман. Қарийб саккиз ой давом этди бу қидирув. Юздан зиёд номлар таклиф этилди катталару болалар томонидан. Аксарият муштарийлар уни «Туркистон чечаклари» деб аташ орузида эдилар. Лекин собиқ «Ленин учқуни»нинг собиқ акаси «Ёш ленинчи» ўз номини «Туркистон» деб аташга қарор қилингандан сўнг, аввало, акани ҳурматлаб, қолаверса, бир хил исм ҳадеб тақдорламаслиги учун «Тонг юлдузи» танланди. Ишончим комилки, мазкур ном сизларга ҳам маъқул тушади.

ХУЛЛАСИ КАЛОМ, қадрли дўстлар, бугундан эътиборан сизлар ҳам ўз юлдузингизга эга бўлдингиз. Биласиз, Тонг юлдузи сирли осмон токидаги энг ёрқин, энг қақноқ юлдузлардан. Қадимда сафарга отланган сайёҳлару қарвонлар ҳам шу юлдузга қараб йўлга чиққанлар, адашмай кўзланган манзилларига етганлар. Инсонларга ҳамроҳ-йўлдош бўлган, адашганларга йўл кўрсатган у. Худди шундай фазилатларга бой бўлсин сизнинг юлдузингиз ҳам! Қувонганда севинчингизга, қийналганда ташвишингизга шерик бўлсин у! Ҳаёт сўқмоқларида адашиб қолгудай бўлганларга тўғри йўл кўрсата билсин, иккилашиб қолганлардан кўмагини аямасин, лоқайдларни хушёрликка қорласин, рафлат уйқусида ётганларни туртиб туртиб уйғотсин! Ёлғон сўздан, қуруқ ваъзхонликдан, эзмаликдан, ноҳақ тухматлардан, ёмон кўзлардан асрасин юлдузингизни!



ИҚТИДОРЛИ БЎЛСАНГИЗ...

Мустақил давлат келажagini ўйлаш бугунги куннинг энг муҳим вазифаларидан биридир. Хусусан, иқтидорли ёшларни қўллаб-қувватлаш жумҳурият «Улуғбек» номидаги жамғарманинг ташкил топиши (1990 йил июль) ва қисқа вақт ичида мактаб ва олий ўқув юртра-ридаги иқтидорли илм толибларни ўз стипендиялари билан тақдирлаш, йигирмага яқин талаба-

ларни ўқиш учун Амриқо дорил-фунунига жўнатиши албатта қувончлидир.

— Ўзбекистон мустақил бўлди, — дейди жамғарма бошлиғи Исфандиёр Латипов. — Шунинг учун жумҳуриятимиз келажак олдида ғов бўлиб турган санъат, маданият, фан-техника, иқтисод ва кундалик муаммоларини ечишга қўрби етадиган мутахассислар тайёрлашимиз керак. Хорижий давлатларга йигит-қизларимиз шу боисдан юборилмоқда.

— Хорижий давлат дорилфунунига ўқиш учун кетаётганларга ҳамма ҳавас билан қарамоқда, — дейди шу ташкилотнинг масъул ходимаси Қўндўз Қодирова. — Улардан хатлар ҳам келмоқда. Кўпчилиги «Бу ғолиблар кимлар? Амриқога юбориш учун улар ўрта-сидаги танлов қай тарзда олиб борилган?» каби саволлар билан мурожаат қилишган. Шу каби саволларга аниқлик киритиш мақсадида яқинда Ўзбекистон жумҳу-

рияти «Улуғбек» номидаги жамғарма раёсатининг эксперт ҳайъати тўпланди. Бунда асосий масала эксперт ҳайъатининг Низомини тасдиқлаш эди. Низомдаги тўққизта масала қўриб чиқилди ва шўб-балар раиси сайланди.

Мактаб ўқувчиларига ҳам эътиборимиз катта. Утган йил ҳисобидан 105-110 нафар иқтидорли ўқувчиларга жамғарма ҳисобидан

100 сўмдан мукофот пули ажратилди.

Шунингдек, Тошкент вилояти, Пскент тумани ижроқўми ходимлари мактабларнинг аълочи, иқтидорли ўқувчилари учун меҳр-шафқат ва саломатлик жамғармаси томонидан ташкил этилган пулдан 23 нафар иқтидорли ўқувчига 120 сўм — уч ойлик стипендияларни тарқатишди.

— Бу ташкилотдаги шўба раисларининг асосий вазифаси, — дейди Ўзбекистон жумҳурияти «Улуғбек» номидаги жамғарма Раёсатининг раиси, Ўзбекистон жумҳурияти ХДП Марказий Кенгашининг иккинчи котиби Азиз Носиров, — иқтидорли ёшларни қўллаб-қувватлаш ва хорижий давлатларга юбориш учун танлов ўтказишдир. Бунинг учун талаба инглиз тилини чуқур ўзлаштирган бўлиши, иқтисодиёт ҳамда бошқарув мутахассисликлари бўйича тўлароқ илмга эга бўлмоғи шарт. Мана, яқинда Туркиядан хат келди. Улар 20 нафар талабани қишлоқ хўжалиги бўйича бепул ўқи-тиш мажбуриятини олмоқдалар.

Бундан ташқари тошкентлик ёш физик олимимиз Рашид Абборов Амриқодаги Рокфеллер маркази дорилфунунига 6 ойлик ўқиш учун ушбу ҳайъат аъзолари танловидан ўтди. Унга жамғармамиздан 2500 минг доллар ажратилди. Ташкилотимизнинг рамзий белгиси сифатидаги нишонни бироз камчиликлари борлиги сабаб қабул қилиш кечиктирилди.

Шакар СУННАТОВ.

ҚИСКА САТРАЛДАР

● Тонг. Атроф ҳали жудаям ёришиб кетмасиданоқ 277-мактабга биринчи бўлиб 2-синф ўқувчиси Акмал кириб келди. Унинг шошиб келишига қараганда ёки мактабни соғинган, ёки ҳали кичкина бўлгани учун, биринчи дарс соат нечада бошланганини яхши билмайди. Ҳарқалай, у мактабга биринчи келди...

● 7-синфдаги Муҳиддин ўртоқлари билан, 5-синфдаги Феруза дугоналари билан бирга келишганда, 277-мактаб йўлаклари ғала-ғовурга тўлиб кетди. «Кўп гапириб, кам эшитиб» мусобақаси бошланган эди...

● 252-мактаб. 9-«Б» синф ўқувчилари III чоракни жисмоний тарбия дарсидан бошладилар. Аммо спортзал таъмирланишида бўлгани учун дарс «гап сотиш» билан ўтди.

● 5-«Е» синфда ҳамма жой-жойида. Фақат Нодира билан Неъматнинг парталари бўш эди. Улар таътилни ўз ҳисобларидан яна бир-икки кунга қўздирганга ўхшайдилар...

● 266-мактабнинг ўқувчиси Бахтиёр Фатхуллоев III чоракнинг биринчи дарсига кечикиб келганини «бўдильнигимиз бузилиб қолган», деб шарҳлади. У мактабга соат ўнларга яқин келган эди.

● Пойтахтнинг Хадра майдонидаги телефон будкалардан бирида телефон трубкасини юлиб олган болалар, мухбиримизга ўзларини таништирмадилар. Аксинча «ўлжа»ни ташлаб, кўздан ғойиб бўлишди.



Чет эл кинофильмларини кўрсангиз, кўпинча бошига катта шляпа кийиб олган ишбилармон кишиларни кўп учратасиз. Улар кичкинагина қаҳвахонанинг хўжайини ёки фермер бўлишади. Авваллари бу кўринишлар биз учун ғайритабиий туюлган бўлса, ҳозир бизнинг ҳаётга ҳам-кириб келмоқда. Тўғри, уларнинг бошида катта-кон шляпа бўлмаслиги мумкин, лекин улар ҳам фермердирлар.

Саъдулланнинг дадаси ҳам фермер хўжалигига аъзо бўлгандан бери, уйда мол-ҳол кўпайиб қолган. Дадасининг «қўявер, сенсиз ҳам эплаймиз» деганига қарамай, Саъдулла бузоқлари атрофида ҳозир нозир. Уларнинг олтовини ўз номлари билан қақриб эркалайди.

Ҳабибулло ака Қўчқоров Пахтаобод туманидаги «Маданият» давлат хўжалигида ишлайди. Шу йилнинг февраль ойида эса фермерлик хўжалигини ташкил қилди.

Йил бошида давлатдан олган 20 бош озғин, камсут сигирлари ҳозир кунига 10 литрдан сут бермоқда. Бузоқлари ҳам йириклашмоқда.

Катта фермернинг ҳисоб-китоби шундай: бу йил давлатга 45 тонна сут топширади, сигирлар зотини яхшилайди. Бу ишларда ёш фермернинг ҳам ҳиссаси катта бўлади.

Комилжон НИШОНОВ,
«Андижоннома» рўномаси ходими.

ҚИР—
АДИРЛАР
САДО



Осимжон 3-синфда ўқирди. Ўртоқлари билан яқин қўш-ниларидан бириникига тўйга чиқди. Тўйда меҳмон кўп, бунинг устига одамлар дарадаги санъаткорларни ниҳоятда ҳайрат билан тинглашарди. Бу унинг қизиқишини оширди. Интилиб-интилиб олдинга ўтиб олди ва тўй тугагунча жойидан қимирламади... Уни ҳам бу дилрабо қўшнлар, айниқса, доирачининг чилдирмани моҳирлик билан чалиб жаранглаштириш ром қилганди. Осимжон бир неча кун тўй таъсирида бўлиб, ўзини доирачи ўрнида қўяр, ҳаёлда атрофдагилар уни олқишлашганини тасаввур қилиб, ширин бир ҳаяжондан энтикиб кетарди.

Бу ҳавас билан у Собиржон ака Солиев раҳбар бўлган мактабдаги «Шалола» дастасига аъзо бўлиб, дарсдан бўш бўлди дегунча доирачилар сирларини ўргана бошлади. Кейинчалик эса шаҳар ўқувчилар уйида «Ёш доирачилар» тўғараги фаолият кўрсатаётганини эшитиб, у ерга борди. Тўғарак раҳбари Орифжон Абдуллаевдан доира чалиш сирларини билиб олди.

Ҳозир 11-синф ўқувчиси бўлган Осимжон Исмоилов моҳир доирачи ҳисобланади. Мактабдаги бирон бир тадбир унинг иштирокисиз ўтмайди. Шу билан бирга у кичик синфларда ўқиётган бир неча доира ишқибозларига устозлик ҳам қилмоқда. Ҳали Осимжоннинг орзулари кўп. У доира чала бошласа, қир-адирлар унга садо беришини истайди.

Баҳодиржон ИБРОҲИМ ўғли,
Наманган шаҳридаги 16-мактаб.



МОСКВА. Режиссёр Владимир Маркин болалар учун «Оғир болалик» деб номланган телекўрсатув устида иш олиб бормоқда. Режиссёр В. Маркин қуйидагиларни маълум қилади: Бу кўрсатув 6 ёшдан 60 ёшгача бўлган томошабинларга мўлжалланиб, бош қаҳрамонлари Хрюша, Степаша, Каркуша, Фил...

Суратда: Таня хола ва Володя тоға.

И. УТКИНА сурати.



ЙИЛИНГИЗ МАЙМУН ЭКАН

Баъзи манбаларда айтилишича, мучал биринчи бўлиб Хитой ва Мисрда вужудга келган экан. Будда динидагилар орасида эса унинг келиб чиқиши тўғрисида шундай ривоят бор. Эмишки, Улуғ Будда янги йил арафасида «дунёнинг мири кам икки» эканлигини сезиб қолибди: йиллар ном-нишонсиз, зерикарли ва ёқимсиз холда бирин-кетин ўтаётган экан. Шунда у қайси ҳайвон маслаҳат бериш учун келса, инъом олишини эълон қилибди. Лекин Будданинг таклифига ҳамма ҳайвонлар ҳам хайрихоҳлик кўрсатишмабди. Унинг қошига бор-йўғи ўн иккитагина ҳайвон келибди.

Биринчи бўлиб жозибали, софдил, бироқ сал-пал ҳовлиқма Сичқон намоён бўлибди. Ундан сўнг сабр-тоқатли, меҳнатсевар, одамови Сигир; сезгир ва худбин Йўлбарс; толеи баланд Қўён; муруватли ва очикқўнгил Аждаҳо (Балиқ); доно ва чиройли Илон; хуштабиат, бироқ кўпинча омади юришмайдиган От; юриш-туришда чапанинамо, аммо тортинчоқ Қўй; топқир ва киришмилли Маймун; ўйчан ва кўнгли очик Товуқ; содиқ ва ўжар Ит; жиззак ва «доно» Тўнғиз саф торттишган экан.

«Маймун» сўзи арабчада «бахтли», «ижобий таъсир кўрсатувчи» деган маъноларни англатади. Бу мучалда туғилганлар кўнглига келган ишни қилувчи, ишончга сазовор бўлмаган ва терс одамлардир. Улар эпчил, ақлли, топқир бўлиб, энг қийин муаммоларни ҳам осонлик билан ҳал қиладилар. Маймун мучалида туғилганларда ҳазил-мутойиба туйғуси кучли бўлади. Шу сабабли улар одамлар орасида тез чиқишиб кетадилар. Бошқалар ҳақидаги салбий фикрларини сиртларига чиқармай, хушчақчақлик қилиб яширадилар.

Улар ҳамма соҳада ишлаб кетишлари мумкин. Илмга, ўқиб-ўрганишга ташна бўлишади. Айниқса, хотиралари яхши ишлайди. Кўпинча ишларининг бетартиблиги учун ҳам уларга хотира зарур. Маймун мучалида туғилганлар кўпинча ҳовлиқма бўлиб, ҳамма ишни шу заҳотиёқ амалга ошириб қўя қолишни хоҳлашади. Аммо бирор ишни бошламасдан туриб, дарҳол унинг баҳридан ўтишлари ҳам мумкин улар.

Бу мучалда туғилганларнинг қўлидан ҳар қандай иш кела олиши туфайли, келажакда улардан моҳир савдо ходими, сиёсатчи, дипломат чиқиши мумкин.

* * *

МАЙМУН ИИЛИДА ТУҒИЛГАН БОЛАЛАР табиятан ҳазил-мутойибага мойил бўладилар. Шунинг учун ўртоқларининг доираси кенг бўлади. Уларни кўпроқ мактаб коридорларида, синфларда, одам тўллаб, бирор бир қизиқ воқеани гапириб бераётганларида учратиш мумкин. Лекин эҳтиёт бўлинг! Бу қизиқарли «воқеа»лар орасида ёлғон-яшиғи ҳам ўтиб кетиши мумкин. «Маймун» ёлғонни фақат ўзининг манфаати йўлида ишлатади.

Уларда илм ўрганишга бўлган ҳавас кучли. Мактабда энг фаол жамоатчи, аълочи ўқувчи, одобли бола бўлишлари мумкин. Лекин, албатта хоҳласалар! Агар бирор ишни олдиндан хоҳламай турсалар, дарҳол унинг баҳридан кечадилар. Шунинг учун ўқитувчилар Маймун мучалида туғилганларга энг «маҳфий» ишларни бемалол, буюришлари мумкин. Фақат уларни назорат қилишни унутмаслик зарур.

Агар мактабда бирон тафани чуқурроқ эгаллаб борсалар, келажакда машҳур одам бўлиб етишшлари мумкин. «Маймун»ни фақат яхши йўللardan жалғитмаслик даркор.

Меҳнат, жисмоний тарбия, расм дарсларида яхши муваффақиятларга эришишади. Чунки уларда ижодкорлик қобилияти бор.

Фақат яна бир нарсани ўқитувчилар эътибори учун айтиб ўтиш керакки, Маймун мучалида туғилганлар агар ҳафсалалари келмаса умуман дарсда тинч ўтирмасликлари мумкин. Бу ҳам — истеъдод!

Н. АЛИМОВ тайёрлади.



Тинчгина, ташвиш-ғалваларсиз кечаётган турмушимизни чок-чокидан сўкиб ташлаган бозор иқтисодиёти кун сайин, соат сайин янгиликлар, ўзгаришлар олиб келмоқда. Биз улардан шошиб ҳам қолдик. Мана, яна бир янгилик: 1992 йилнинг 10 январь кунидан бошлаб жумҳуриятимизда ҳисоб-китобнинг купон системаси жорий этилади.

Бу ҳолни Ўзбекистон Республикаси иқтисод қўмитаси раисининг ўринбосари, иқтисод фанлари доктори П. НОСИРОВ қуйидагича изоҳлайди:

— Ўзбекистон ҳукуматининг купонларни жорий этишдан асосий мақсади жумҳурият истеъмол бозорини ҳимоя қилишдир. Дастлабки босқичда купонлар харид қилиш учун ўзига хос ҳуқуқ берувчи қимматбаҳо қоғоз сифатида амал қилади. Жумҳурият фуқаролари молларни харид қилиш чоғида амалдаги пул билан бир вақтда купонларни ҳам тўлайдилар.

КУПОН ЖОРИЙ ЭТИЛДИ

Бу сўзларни ўқиб, шу тадбирсиз ҳам болалар истеъмол қиладиган озиқ-овқатларни харид қилишга қийналаётган ота-оналар оғир «ух» тортишлари табиий. Жумҳуриятимиздаги оилаларнинг аксарияти кўп болали. Шу сабаб ҳам ўтган йилнинг бошидан кўп болали, кам даромадли оилаларга, шу билан бирга ўқувчилар ва талабаларга жумҳурият ҳукумати имтиёз берувчи бир қанча қарорлар қабул қилган эди. Купонлар жорий этиш ҳақидаги қарорда ҳам аҳолининг ана шу табақасига алоҳида бир қанча имтиёзлар берилган. Жумладан: болалар озиқ-овқатига муҳтож 2 ёшгача бўлган болаларни таъминлашни яхшилаш учун 1992 йилнинг 10 январидан бошлаб бу товарлар врач рецепти бўйича бериш жорий қилинади. Жумҳурият Соғлиқни Сақлаш вазирлиги кам таъминланган ва кўп болали оилаларнинг болаларига текин болалар овқати бериш учун махсус бланкаларда бериладиган рецептлар, болалар овқатига муҳтож бўлган қолган болаларга эса оддий бланкаларда рецептлар берилади.

Ўзбекистон Республикаси Савдо вазирлиги, «Ўзбекбирлашув» аҳолига болалар овқати сотишни врач рецепти бўйича ташкил этади.

Жумҳуриятимиз аҳолисини ижтимоий ҳимоя қилиш ва товарларни фақат республика фуқароларига сотиш учун жорий этилган бу тадбирда ҳам серфарзанд оилалар, умуман болалар қийналмайди, деган умиддамиз. Бу қарорларнинг амалга ошишида бирон тўсиққа учраган болалар, уларнинг ота-оналари рўзномага мурожаат этишлари мумкин.

Учинчи чорак бошланди. Янги йил таътили муносабати билан бир неча кунга ҳувиллаб қолган мактаб яна ўқувчилар билан тўлди.

СУРАТДА: Гулистон шаҳридаги Х. Олимжон номи мактабнинг мате-

матика ўқитувчиси Зилола Қўлматов ва 8-синф ўқувчилари Иброҳим Нурбоев ва Фарҳод Эшматовларга мисол ечишда йўл қўйган хатоларнинг тушунтириб бермоқда.

Р. АЛБЕКОВ-суратга олган.

ЧЕТ ЭЛЛИК
ТЕНГДОШЛАРИНИ
ХАЙТИДАН

ГИЁВАНДЛИК ВА СОВҒАЛАРГА ҚАРШИ

УЧИНЧИ — ХАЛ ҚИЛУВЧИ
ЧОРАК БОШЛАНДИ

КЕНИЯ.

Ёшлар ўртасида кучайиб бораётган гиёвандликка қарши велопоёйга билан курашмоқчи бўлган 12 нафар кениялик ўқувчи яқинда Найроби-Мамбас маршрути бўйича сафарга чиқишди. 50 километрлик велопоёйга давомиди улар кишилар ўртасида соғлом турмуш тарзини тарғиб қилиш билан бирга гиёвандлик оқибатларини ўсмирларга тушунтиришди ва бу иллатга рўжу қўйган болаларни даволаш учун маблағ ҳам йиғишди.

Болаларни асраш жамиятининг маълумотларига кўра, Кениядаги ҳар ўнинчи ўқувчи наркотик моддалар истеъмол қилади. Мактабда ўқимайдиган ўсмирлар ўртасида гиёванд болалар сони яна ҳам кўп. Қиз болалар «яшил оғу»ни 11-14 ёшликларида, ўғил болалар эса 8 ёшликларида татиб кўришади. Ўсмирлар гиёвандлиги қишлоқларга нисбатан шаҳарларда кўпроқ авж олган.

ЖАНУБИЙ АФРИКА РЕСПУБЛИКАСИ

Наталь провинциясида истиқомат қилувчи оқ ва қора танли шарқий африкалик аёллар ҳар йилги болаларга кўрсатган ғамхўрлик учун бериладиган мукофотга сазовор бўлишди.

«Санди Таймс» ҳафтаномасининг хабар беришича, Булвер шаҳрилик Истер Элм пенсияга чиққач, қолган умрини болаларга бағишлади. Собийқ табиий ҳамшира ақлан заиф ва шол касаллиги билан оғриган қишлоқ болаларини даволаш марказини ташкил этди. Ҳамшира қабулида ҳозиргача юздан зиёд болалар бўлишди.

Дурбан яқинидаги Инанда қишлоғида яшовчи Синтия Мнгади ҳақида гапиришса, уни доим кулиб туришини эсга олишди. Синтия болалар уйи ташкил этган. Ҳаммаси бу аёлга вақтинча бир болани ташлаб кетишгандан бошланди. Вақтинча қараб туришни илтимос қилган ота-она уни кейинчалик умуман олиб кетишмади. Кейинроқ Синтиянинг ўз ўғли оламдан ўтди — невараси ёлғиз қолди. Шу асосда ташкил этилган болалар уйида ота-онасидан ажраган болалар вояга етишади.

ХИТОН

Пекин шаҳар маориф комитети Янги йил ва баҳор байрами арафасида ўқитувчиларнинг болалар ва уларнинг ота-оналаридан совға олишларини яна бир бор таъқиқлашди.

Чунки ушбу байрамлардан кейин юқори ташкилотларга тарбиячиларнинг ўз ўқувчиларидан қимматбаҳо совға талаб қилишгани ҳақида арзномалар тушиши одатий ҳол бўлиб қолган. Рўзномада айтилишича, бу «соҳа»да болалар боғчалари ходимлари, айниқса, «илғор» эканлар.

«Бэйцзин ваньбао» рўзномасининг хабар беришича, энди совға сифатида фақат болалар ўз қўллари билан ясаган нарсалар қабул қилиниши мумкин.

СИТА хабарлари.



Ўқувчилар яхши баҳо олишса, билим олишга қизиқишса, ўқитувчи хурсанд бўлар экан. Мен ҳам Лолахон Исҳоқова билан Иродахон Исмоилованинг ана шундай билимга чанқоқлигидан хурсанд бўламан. Улар 6-«Б» синфда ўқишади. Иккови ҳам иккинчи чоракни аъло баҳоларга яқунлашди. Математика, она тили ва адабиёти ўн кунлигида фаол иштирок этишди.

Чорак якунида мактабимизда «Энг аълочи ўқувчи» танлови ўтказилди. Ирода ушбу танлов ғолиби бўлди. Чунки у бир кунги дарс жадвали бўйича олтига фандан «5» баҳо олган эди.

Лолахон эса она тили ва адабиёти ўн кунлигида уюштирилган «Ифодали ўқиш» танлови ғолиби бўлди. У А. Навоийнинг «Ҳотам Тойи ҳикояти»ни ёддан ифодали ўқиб, барчани мамнун этди.

Икки синфдош мактаб тадбирларида ҳам фаол иштирок этишади. Улар 1-синф ўқувчиларининг «Алифбе байрами»ни тайёрлаш ва ўтказишда ҳам ўқитувчиларга катта ёрдам беришди.

Лолахон билан Иродахон учинчи чоракда ҳам аълога ўқиб, ҳаммамизнинг ишончимизни оқлашларига ишонаман.

Ф. АРАПОВА,
Олтинқўл туманидаги 52-мактаб ўқитувчиси.

ИБРАТЛИ ИШЛАР МАНЗИЛГОҲЛАРИ

ЯКШАНБА КУНИ

МИЛЛАТЛАР МАКТАБИГА

Ўтган йилнинг октябрь ойида (якшанба) Москва шаҳрида 28-махсус мактаб очилди. Марказнинг ҳар томонидан ўқувчилар ёғилиб келишди — ҳаммаси ота-оналари билан, жажжи қўлчаларида аллақандай китобчалар... залда украин байроғи осибди. Директор хонаси ўқитувчилар билан гавжум. Бу қандай мактаб бўлдикин?

— Бизнинг мактаб — биринчи ва ягонадир, — дейди директор Офелия Аракелян. — Бизнинг мактабда турли миллат вакилларидан жуда кўп ўқувчилар ўқимоқда. Масалан, арман, латиш, немис, хитой, корейс, доғистон, украин ва бошқалар.

Бундан бир неча йил олдин Москвада Иттифоқда биринчи ўз она тилини ўқитиш қўллиёти очилган эди. Бу эркин эди. Худди

мана шу янгиликни эса биз бирлаштирдик. Тўғри-да, турли мактадан бир яхлитлик яхши эмасми? Бизда ҳали дарсхоналар йўқ. Ҳар якшанба 28-махсус мактабда шуғулланамиз. Бепул. Олдимизга икки мақсад қўйганмиз, бири — ўқувчи хоҳлаган тилини, унинг маданиятини, тарихини ўрганиши мумкин. Иккинчиси эса ўзга миллатни ҳурмат қилиш. Бунга ўша миллат тили ва санъатини ўргатиш орқали эришамиз.

Бизнинг мактаб миллатлар минатюрасига ўхшайди: унда турли миллат йиғилган, яшайди ва бир-бирига ёрдам қўлини чўзади. Машгулотлар сўнггида кўнгирак чалинмайди, қачон бошлаб, қачон тугаллашни ўзлари биладилар. Энг қизиғи, буларнинг барчаси бепул.

«Неделя» 41-сон.

БИР КУНДА ОЛТИГА «5»

Хурматли дўстимиз Умиджон!
Биз сени туғилган кунинг — 11 баҳоринг билан
самимий қўлаймиз. Сенга узоқ умр, сўхат-сало
матлик, ўқишларингда улкан муваффақиятлар ти
лаймиз.

Сени қўлаб: синфдошларинг.

Тошкент вилояти,
Бекобод туманидаги,
13-мактабнинг 5-«Б»
синф ўқувчилари.



БАХТСИЗЛИК



Дийдираб туради
аламзада кун,
Қуёш қақшаган далаларда.
Нечук мунчалар маънос,
хорғинсан,
Пахтазор ўғирлаган —
Нигоҳим.
Аламлар тебранган жўяклар —
Улар руҳим қонли йўллари.
Умримни «майиб» қўллари —
Пирпираб тўзийди умримнинг
йиртилган ёшлиги.
Бахтсизлик кўкарган
даштларда.
Кула олмай юрган чоғларим —
...Куйиб ўлган
шеърларим мени...
Пирпираб тўзмоқда умримнинг
йиртилган ёшлиги...

шаган далаларда қуёшнинг
юрини, ҳорғин, маънос нигоҳ
ни пахтазор ўғирлаши» шу
истак натижаси. Тўғри бу ис
так тўла амалга ошмаган.
Лекин шу манзаранинг ўзи
Низомда шеър йўлида ўзича
интилиш бўлаётганидан да
рак бериб, бу интилиш ҳали
гўзал ҳайратлар туҳфа эти
шига умид уйғотади.

* * *

Рауф ПАРФИГА,
Юрагининг суйиб,
кўзининг чўқиб,
Тегмай туролмайди бу кекса
аср.
Табиатдан «рангларини» сўраб,
Шовуллаб тўкилар ярқироқ
шеърлар.
Бутун бир нафис
гўзаллиқни жамлаб,
Шеърят муаллақ
ранг-баранг қаср.
...Сен шу гўзаллиқнинг
катта бўлаги?!
Ойдин хаёлларга занжирбанд,
асир.
Низом НОҚОБИЛОВ,
Сурхондарё вилояти, Олтинсой
туманидаги 19-мактаб ўқувчиси.

ЖАҲОН АДАБИЕТИ ХАЗИНАСИДАН

У яна биринчи бетни очди
ва ўзи қачонлардир шу бетга
ёзиб қўйганини ўқиди: мана
унинг ўзи, исм-шарифи, у яша
ётган жой.

Стивен Дедалус
Тайёрлов синфи
Клонгоус Вуд Коллеж
Сэллинз
Килдэр графлиги
Ирландия
Оврупо
Ер
Коинот

Бу унинг қўли билан ёзил
ган, Флеминг эса бир кун кеч
пайт ҳазиллашиб шу бетнинг
орқасига шундай деб ёзди:

Стивен Дедалус — исми
менинг,
Ирландия — менинг ватаним,
Клонгоус — бошланам
менинг

Осмон менинг умидим.

У шеърни тескари томондан
ўқиди, бу ҳолда шеърга ўхша
мади. Шундан кейин у биринчи
бетдаги ёзувини куйидан юқори
га қараб ўқиб чиқди ва ўзининг
исмига бори. Мана бу унинг
ўзи. Кейин у тагин ҳаммасини
юқоридан қуйига қараб ўқиб
кетди. Коинотдан кейин нима?
Ҳеч нарса. Бироқ коинот тева
рағиди унинг қаерда туғилиши
ва бу ҳеч нарса қай нуқтадан
бошланишини белгилайдиган
нимадир бўлса керак! У қалин
девор билан тўсилмагандир,
бироқ теваганини юққа гардиш
ўраб олган бўлиши мумкин.
Бор бутунча ўраб олиши —
ғалати-ку! Ёлғиз худо бунга
қодир. Бу беҳудуд маҳобатли
ақл-идроқни у тасаввур қилиш
га уринди, бироқ ҳаёлига ёлғиз
худогина келди. Худо — худо
нинг исми бу, худди унинг
исми Стивен бўлганидай. Диев
— худонинг фарангча номи
шундай. Биров худого сифи
наркан Диев деб мурожаат
қилади, шунда худо ўзига си
гинаётган бу банд фаранг
эканини дарҳол пайқайди. Ху

[Бошланиши «Ленин учқуни»
рўзномасининг 1991-йилги
сонларида].

донинг исми турли тилларда
турлича бўлса-да худо ҳамма
сини тушунади, одамлар гапи
раётганини, ўз тилларида тило
ват қилишаётганини билади,
ҳар қандай ҳолда ҳам худо
худолигача қолади ва унинг
ҳақиқий исми худо.

Бундай ўй-хаёллардан унинг
мияси роса толиқди. Боши
хумдай шишиб, каттариб кет
гандай туюлди. У китобни ва

сиёсат нималигини яхши ту
шунмайди, Коинот қаерда ту
ғилиши билмайди. У ўзини ки
чик ва нимжон сезади. Қачон
у поэзия ва риторика2 синфи
даги болалардай бўларкан.
Уларнинг овози катта одам
ларникидай, ботинкалари ҳам
катта, уларга тригонометрия
ўтилади. Бунгача ҳали узоқ.
Аввал таътилга чиқилади, ун
дан сўнг навбатдаги семестр

Жеймс ЖОЙС



АНЪАТКОРНИНГ ЁШЛИКДАГИ СУРАТИ

Урисчадан А. ОТАБОВ таржимаси.

РҲМОНДАН ПАРЧА

рақлади ва уйқули кўзлари бил
лан жигарранг булутлар ора
сидаги думалоқ яшил ерга ти
килди. Қай бири маъқул —
яшил рангни ёқлаш керакми
ёки жигаррангнми, деб ўйлай
бошлади у, чунки бир кун
Дэнти қайчи билан чўтқанинг
дастасидаги Парнелл шарафи
га қопланган яшил бархитни
сўкиб ташлади, Парнелл яра
мас одам, деди унга Дэнти.
Ҳозир уйда бу ҳақда мунозара
қилишаётганмикан, деб ўйла
ди у. Бу сиёсат дейиларди.
Улар тараф-тараф бўлиб оли
шарди: Дэнти бир тараф, ота
си ва мистер Кейси эса бир та
раф, бироқ онаси билан Чар
лз тоға бирор-бир тарафни
ёқлашмасди. Рўзномалар ҳар
кун шу сиёсат ҳақида ёзар
ди.

Унга алам қилади, ахир, у

бошланади, кейин яна таътил,
сўнг яна таътил. Бу худди
поезднинг туннелга кириши ва
туннелдан чиқишидай, тагин,
ошхонада қулоғингни бекитиб
кейин очганингда эшитилиб,
жимиб қоладиган шовқинга
ҳам ўхшайди. Семестр — таъ
тил; туннел — ташқари; шов
қин — жимлик; эҳе, ҳали жуда
узоқ! Тезроқ тўшақка кирсанг
да ухлаб қолсанг. Черковда
ибодат қилинса бўлди, кейин
уйку. Уни безгак тутди. У эсна
ди. Чойшаб бироз исигандан
кейин тўшақда ётиш мазза-да.
Тўшақка кирган пайтда муздай
бўлади. Бунга ҳаёлига келтири
ганида бадани қалтираб кетди.
Кейин жойинг исийди, шундан
сўнг уйку элтади. Чарчоқни ҳис
этишининг гашти бор. У яна
эснади. Кечки ибодат тугади
ми — тамом, шўнғисан; у

керишди ва тагин эснагиси
келди. Бир неча дақиқа қолди,
кейин мазза. У шитирлаётган
совуқ чойшабга илиқ нафас
урилаётганини ҳис қилди, то
бора исийиб, исиб кетаётир,
нафаси қайтадиган даражада
исиб кетди, шунга қарамай ба
дани сал-пал қалтираб, безгак
тутди ва эснагиси келиб оғзи
ни очди.

Кечки ибодатдан сўнг кўн
гирок чалинди ва улар жуфт
жуфт бўлиб сафланиб, зина
дан тушиб, йўлак орқали чер
ковга боришди. Узун даҳлизда
ги чироқлар хира, черковдаги
чироқлар ҳам хира. Ҳадемай,
ҳаммаси ўчади, тинчийди. Чер
ков совуқ, оқшом нафаси уфу
ради, мрамор устунларнинг
ранги эса тунги денгиз тусида.
Денгиз кечаю кундуз совуқ,
бироқ кечалари баттар совуқ.
Куйроқда, уларнинг уйлари
ёнида тўлқинга қарши қурил
ган ғов атрофи ҳам совуқ, қо
ронги. Уйларида эса оловда
қумгонча қайнапти, унда пунш
пишяпти.

Рухоний унинг тепасида ту
риб дуо ўқийди ва дуонинг
ҳар бир калимаси унинг мия
сига муҳрланади:

Худоё! Узинг имон ато
этгайсан,
Муборак номингни
шарафларга буркагайман,
Тезроқ, яратган эгам,
балолардан соқит қил,
ўзинг,

Тезроқ, қодир Худойим,
муруват қил ўзинг.

Черков совуқ, оқшом нафаси
ҳукм суради. Бироқ бу илоҳий
нафас. Бу яхшанба кунлари
ибодат чоғида уларнинг орти
да тиз чўкиб ўтирадиган деҳ
қонлардан анқийдиган ҳидга
ўхшамайди. Деҳқонлардан қиш
лоқ ҳавосининг, ёлғирнинг,
торф ва дағал матоҳларнинг
иси унқийди. Деҳқонларнинг
нафаси шундоқ унинг кифтига
урилиб турар, улар чўнқайган
да ҳўрсиниб кўйишарди. Улар
Клейнда яшайди, деган эди
бир бола. У ерда кичик-кичик
уйлар бор эди, бир сафар

улар Сэллинз четидаги йўлдан
ўтиб кетишаётганда у қия
очик эшик ёнида бола кўтариб
турган аёлни кўрган эди. Бу
уйчада бир оқшом тунашини,
тутаб ётган ўчоқ олдида чўзи
либ, лангиллаб турган чўғнинг
алангасига термилиб, ғира
шира қоронғиликда деҳқонлар
нинг — ёлғир, торф ва дағал
матоларнинг ҳидидан тўйиб —
тўйиб нафас олишининг гашти
бор. Бироқ қалин ўрмон ичи
дан ўтган йўл кўрқинчли, зим
зиё! Қоронғуда адашиб қол
санг ҳолингга вой! Ҳаёлига шу
уй келган ҳамон уни ваҳима
босди. Қулоғига руҳонийнинг
товуши чалинди, руҳоний ти
ловатнинг сўнгги сўзларини
ўқир эди. У ҳам чўқина бош
лади, ҳаёлида эса ҳамон зим
зиё ўрмон.

«Худоё, муруватингни да
риг тутма ва бизни йўлдан оз
диргувачи шайтон васвасасидан
ўзинг омон сақла ва сенинг
муқаддас фаришталаринг доим
бизни асраб-авайлашга ва
Парвардигоримиз Исоҳи Масиҳ
фароғати бизга насиб этгай.
Омин».

Етоқхонага келиб ечинаёт
ганда унинг бармоқлари тит
тиради. У бармоқларини тез-тез
ҳаракат қилдиришга уринди.
Газни ўчиришгунча у ечиниб,
тиз чўкиб ибодат қилиши, ке
йин тўшақка кириши лозим
эди. У оёқларидан пайпоқла
рини сўғуриб олди, шоша-пиша
тунги узун кўйлагини кийди
да қалтираб қаравот ёнига тиз
чўкиб, газ ўчиб қолишидан ха
вотирда наридан-бери дуо
ўқиб бошлади. У пичирлаганда
елкалари силкиниб қўярди:

1. Парнеллнинг оилали аёл
Китти О. Ши билан алоқаси
туфайли келиб чиққан жанжал
назарда тутилаётир; бу жан
жал Парнелл тарафдорлари
ўртасида нифоқ чиқишига сабаб
бўлган ва шу баҳонада Ирландия
католик черкови Парнелл
ни қувғинга дучор этган.

2. Юқори синфлар.

[Давоми бор].

ЯХШИ
НИЯТ

Мақтабимизнинг кекса ўқитувчиси Азима Во
ҳиджоновна халқимиз урф-одатлари, анъаналари
борасида кўп нарса биладилар. Билганларини эса
биз — ёшларга ўргатиш пайида бўладилар. Яқин
да Азима опанинг ташаббуси билан мактабда
«Меҳржон» байрами ўтказилди.

Очиғи, шунгача мен бунчалик ибратли, гўзал ва
ҳузурбахш байрам ҳақида қарийб тасаввурга эга
эмас эдим. Унинг ўзига хос кутиб олиниши, меҳ
мондорчиликлари, халқ қўшиқ ва ўйинларининг
ижроси қалбимга олам-олам завқ, қувонч бағиш
лади. Бу қувончлардан тенгдошлар ҳам бенасиб
қолмади. Халқимизнинг қўтлуг мероси, бой мада
нийати ҳақида ажойиб таассурот қолдирган бу бай
рамни бундан буён мактабда ҳар йил нишонлашни
ният қилдик.

Шаҳноза АЗИМОВА,
Бухоро шаҳридаги 33-мактаб ўқувчиси.



Бош муҳаррир: Ақром БЕРДИМУРОВОВ.

Таҳрир ҳайъати: В. ФАЙЗУЛЛАЕВ, Т. ЭШБОВ (бош муҳар
рир ўринбосари), А. КҶЧИМОВ, М. РАҲИМБЕРДИЕВА, Т. КА
РИМОВ, М. АСҚАРХҶАЕВ.

Таъсис этувчи:

ЎЗБЕКИСТОН ЕШЛАР ИТТИФОҚИ
МАРКАЗИЙ ҚУМИТАСИ.

Бизнинг маъмулиҳоти: ТОШКЕНТ ШАҲРИ, 700083,
ЛЕНИНГРАД КҶЧАСИ, 32-УЯ.

Маълумот учун телефон: 32-34-21

ЎЗБЕКИСТОН РЕСПУБЛИКАСИ «ШАРҚ» НАШРИЁТ.

МАТБААЧИЛИК КОНЦЕРНИНИНГ БОСМАХОНАСИ.

Тошкент шаҳри, 700083, Ленинград кўчаси, 22-уя.

Чоп этиш вақти — 19.00.

БУЮРТМА № 30.
НАШР КҶРСАТКИЧИ — 64563.

РҲЗНОМА ҲАФТАНИНГ ЧОРШАНБА ВА ШАМБА КУНЛАРИ ЧИҚАДИ.

РҲзнома 347 минг нусхада чоп этилади.

1 2 3 4 5 6 7 8 9 10 11 12